

四庫全書

史部

欽定四庫全書

欽定續通志卷四百二十二

列傳

遼六

耶律額特埒

哈里

竇景庸

耶律音濟

楊績

趙徽

王觀

耶律吉遜

耶律阿蘇

耶律儼

劉伸

耶律呼哩

楊遵勗

王崇

牛溫舒

耶律達魯

蕭道拉

耶律唐古

蕭德勒岱

蕭綽哈

蕭陽阿

耶律珠展

蕭托斯和

耶律阿息保

蕭伊蘇

蕭呼敦

李處溫

張琳

蕭烏納

耶律實魯

耶律伊都

耶律額特埒字伊實音許國王伊德實六世孫初補本班郎君時耶律伊蘇擅權殘害忠良額特埒恐禍及深自抑畏太康中為宿直官厯左右護衛太保大安初升燕王傳徙左伊勒希已四年改北院樞密副使遷知北

院樞密使事賜翼聖佐義功臣北準布酋長默古斯叛
額特埒進討會天大雪敗默古斯四別部斬首千餘級
壽隆初拜西北路招討使封漆水郡王加宣力守正功
臣尋拜南府宰相討札古呼喇巴部破之召為契丹行
宮都部署先是北南府有訟各州府得就按之比歲非
奉樞密檄不得鞫問故訟者稽留額特埒請如舊從之
五年復為西北路招討使禁軍都統累奏尼都格爾捷
六年擒默古斯加守太保賜奉國匡化功臣乾統初乞

致仕不許止罷招討使仍為南院樞密使封混同郡王
遷北院樞密使加守太師賜推誠贊治功臣致仕薨諡
曰敬肅

哈里字呼紐回鶻人其先太祖時來貢願留因任用之
重熙間哈里歷近侍長清寧九年討重元亂有功加金
吾衛上將軍賜平亂功臣累遷殿前都點檢以宿衛嚴
肅稱太康初加守太子太保二年加同中書門下平章
事三年改同知南院宣徽使事會即律伊蘇出守中京

哈里入賀及議復台陳其不可伊蘇再入樞府出哈里
為廣利軍節度使皇太子被誣哈里當連坐詔勿問大
安初歷丕勒達魯噶節度使壽隆五年卒年七十七
實景庸中京人中書令振之子聰敏好學清寧中第進
士授秘書省校書郎累遷少府少監咸雍六年授樞密
直學士尋知漢人行宮副部署事大安初遷南院樞密
副使監修國史知樞密院事賜同德功臣封陳國公有
疾請致仕不從加太子太保授武定軍節度使審決冤

滯輕重得宜以獄空聞七年拜中京留守九年薨諡曰
肅憲子瑜三司副使

耶律音濟字阿古丕勒部人父雙庫鎮西邊二十餘年
治尚嚴肅不殖貨利時多稱之音濟寅畏好義以廕補
官累遷東京副留守北樞密院侍御時蕭格蕭特古斯
等以佞見任鸞爵納賄音濟以直道處其間無所阿唯
改客省使時朝廷遣使括三京隱戶不得以音濟代之
得數千餘戶昭懷太子知北南院事選音濟為輔導樞

密使伊蘇將傾太子惡音濟在側奏出之為羣牧林牙
太康元年伊蘇請賜牧地音濟奏曰今牧地徧陋畜不
蕃息豈可分賜臣下帝乃止伊蘇由是益嫉之除懷德
軍節度使徙漠北猾水馬羣太保卒

楊績

按續通考
作馬績誤

良鄉人太平十一年進士及第累遷南

院樞密副使與杜防韓知白等擅給進士堂帖降長寧
軍節度使徙知涿州清寧初拜參知政事兼同知樞密
院事為南府宰相九年聞重元亂與姚景行勤王十年

知興中府咸雍初入知樞密院事三年乞致仕不許拜
南院樞密使帝以績舊臣特詔燕見論古今治亂人臣
邪正績拜賀曰何代無賢世亂則獨善其身主聖則兼
濟天下陛下銖分邪正升黜分明天下幸甚累表告歸
不許封趙王太康中以例改王遼西致仕加守太保薨
子貴忠知興中府

趙徽南京人重熙五年擢甲科為太子中舍賜緋衣銀

魚

據興宗
紀增

累遷大理正清寧二年銅州人妄毀三教徽

按鞫之以狀聞稱旨歷煩劇有能聲累遷翰林學士承
旨咸雍初為度支使三年拜參知政事出為武定軍節
度使及代軍民請留後同知樞密院事兼南府宰相門
下侍郎平章事致仕卒追贈中書令謚文憲

王觀南京人博學有才辯重熙七年中進士乙科興宗
崩充夏國報哀使還除給事中咸雍初遷翰林學士五
年兼乾文閣學士七年改南院樞密副使賜國姓參知
政事兼知南院樞密事坐矯制修私第削爵為民

耶律吉遜字盈隱永興宮分人興宗在青宮嘗居左右
輔導聖宗大漸吉遜與豐嘉努告仁德皇后同宰相蕭
珠卜等謀逆及欽哀為皇太后稱制吉遜尤見寵任重
熙中其子尼格為近侍坐事伏誅帝以吉遜有翼戴功
且悼其子罪死欲世其官吉遜無所出之部因見馬印
文有不勒部號使隸其部拜南府宰相尋出為東北路
詳衮卒

耶律阿蘇字薩巴北院樞密使伊蘇之弟

據道宗紀增輯伊蘇具奏

臣傳清寧初補祇候郎君以善射掌獵事進渤海近侍詳

袞重元之亂與護衛蘇射殺尼嚕古賜號靖亂功臣徙

契丹行宮都部署大安初兼知北院大王事封漆水郡

王壽隆元年原傳作十一年據本紀改為北院樞密使監修國史道

宗崩受顧命加裕悅錄伊蘇黨人阿蘇受賂多所寬貸

蕭赫嚕嘗言當修邊備阿蘇力沮其事後以風疾失音

致仕加尚父封趙王薨年八十追封齊國王

耶律儼字若思析津人本姓李氏父仲禧重熙中始仕

清寧初同知南院宣徽使事四年城鴨子混同二水間
拜北院宣徽使咸雍初坐誤奏事出為榆州刺史俄復
舊職遷漢人行宮都部署七年

原文作六年
據道宗紀改

賜國姓封

韓國公改南院樞密使時樞臣伊蘇等誣陷皇太子詔
仲禧偕伊蘇鞠之蔓引無辜未嘗雪正伊蘇薦仲禧可
任拜廣德軍節度使復為南院樞密使卒謚欽惠儼儀
觀秀整好學有詩名登咸雍進士第守著作佐郎補中
書省令史以勤敏稱太康初歷都部署判官將作少監

後兩府奏事論羣臣優劣唯稱儼才俊改少府少監知大理正賜紫六年遷大理少卿奏讞詳平明年陞大理卿丁父憂奪服同僉部署司事大安初為景州刺史繩胥徒禁豪猾撫老恤貧未數月善政流播郡人刻石頌德二年改御史中丞詔按上京滯獄多所平反同知宣徽院事提點大理寺六年冬改山西路都轉運使刮剔垢弊奏定課額益州縣俸給事皆施行壽隆初授樞密直學士

按道宗紀儼在大安時已授此職

以母憂去官尋召復舊職宋

攻夏李乾順求和解帝命儼如宋平之拜參知政事帝
晚年倦勤用人不能自擇令各擲骰子以采勝者官之
儼嘗得勝采帝曰上相之徵也遷知樞密院事賜經邦

佐運功臣封越國公修皇朝實錄

按天祚紀乾統三年
召儼纂太祖諸帝實

錄與本
傳異

帝大漸儼與北院樞密使阿蘇同受顧命乾統

三年徙封秦國六年封漆水郡王天慶中薨贈尚父謚

曰忠懿儼素廉潔一介不取於人經籍一覽成誦又善
伺人主意其妻嘗出入禁中由是權寵益固三子處貞

太常少卿處廉同知東京留守事處能少府少監

劉仲字濟時宛平人少穎悟長以辭翰聞重熙五年登進士第歷彰武軍節度使掌書記大理正因奏獄帝適與近臣語不顧仲進曰臣聞自古帝王必重民命願陛下省臣奏帝大驚異擢樞密都承旨權中京副留守詔徙富民以實春泰二州仲以為不可奏罷之遷大理少卿人以不寃陞大理卿改西京副留守以父憂終制為三司副使加諫議大夫提點大理寺仲明法而恕案寃

獄全活者衆徙南京副留守俄改崇義軍節度使政務
簡靜民用不擾改戶部使歲入羨餘錢三十萬緡拜南
院樞密副使道宗嘗謂大臣曰今之忠直耶律玠劉仲
而已拜叅知政事諭之曰卿勿憚宰相時北院樞密使
伊蘇勢焰方熾伸奏曰臣於伊蘇尚不畏何宰相之畏
伊蘇卿之相與排詆出為保靜軍節度使帝終欲大用
加守太子太保遷上京留守伊蘇以事徙鎮雄武復以
崇義軍節度使致仕適燕薊民饑伸與致仕趙徽韓造

日濟以糜粥所活不勝算大安二年卒

耶律呼哩字蘇色弘義官分人其先允佐太祖有功父
楊鄂特左監門衛大將軍呼哩性謙謹於事無適莫重
熙末補寢殿實達爾以善職屢更華要遷千牛衛大將
軍大安中北準布酋默古斯叛為招討都監與耶律納
延討平之以功為漢人行宮副部署兼知太和宮事致
仕加同中書門下平章事卒

楊遵勗字益誠涿州范陽人重熙十九年登進士第調

儒州軍事判官累遷樞密院副承旨咸雍三年為宋國
賀正使還遷都承旨四方之事叢于樞府簿書填委遵
勗一目五行俱下剖決如流敷奏詳敏帝嘉之奉詔徵
戶部通錢得四十餘萬緡拜樞密直學士改樞密副使
太康初叅知政事徙知樞密院事兼門下侍郎平章事
拜南府宰相耶律伊蘇誣皇太子詔遵勗與雅克按其
事遵勗不敢正言時議短之尋拜北府宰相大安中暴
卒年五十六贈守司空謚康懿子晦終昭文館直學士

王崇涿州新城人博古善屬文重熙十五年擢進士鄉貢禮部廷試對皆第一累遷上京鹽鐵使或誣以賄無狀釋之遷東京戶部使太康二年遼東饑民多死請賑恤從之三年入為樞密副使拜南府宰相大安末卒崇練達朝政臨事不怠在政府修明法度有聲

牛溫舒范陽人剛正尚節義有遠器咸雍中擢進士第滯小官大安初累遷戶部使轉給事中知三司使事國民兼足帝以為能加戶部侍郎改三司使壽隆中拜參

知政事兼同知樞密院事攝中京留守部民詣闕請真
拜從之召為三司使乾統初復參知政事知南院樞密
使事五年夏為宋所攻來請和解溫舒與蕭德勅使
宋方大宴優人為道士裝索土泥藥爐優曰土少不能
和溫舒遽起以手籍土懷之宋主問其故溫舒對曰臣
奉天子威命來和若不從則當卷土收去宋人大驚遂
許夏和還加中書令卒

耶律達魯字薩蘭清寧初為本班郎中稍遷宿直官乾

統中從伐準布有功加奉宸厯護衛太保改弘義宮副使時上京烏賊趙鍾哥跋扈達魯擒之加泰州觀察使為達魯噶部節度使天慶中知興中府加金吾衛上將軍為賊所殺

蕭道拉字綏蘭約尼溫汗宮人祖尼魯古北院樞密副使父薩滿字和多沁重熙初補祇候郎君累遷北面林牙十九年從耶律伊蘇蕭博諾伐夏至蕭惠敗績之地人烟聚落多國人陷沒而不能還者盡俘以歸拜大父

詳袞知山北道邊境事清寧初歷西南面西北路招討使加同中書門下平章事卒道拉體貌豐偉騎射絕人由祇候郎君陞漢人行宮副部署後為烏爾古迪里統軍使克敵有功加龍虎衛上將軍授西北路招討使因陳北邊利害請以本路諸部與倒塌嶺統軍司連兵屯戍再表不納改東北路統軍使乾統元年復為西北路招討使北準布尼都格爾率隣部來侵道拉逆擊追奔數十里二年乘其無備以輕騎襲之獲馬萬五千匹牛

羊稱是先是有詔方面無事招討副統軍都監內一員入覲是時同僚皆闕道拉以軍事付幕吏而朝坐是免官改西京留守復為東北路統軍卒于官

耶律唐古字富僧額六院郎君噶拉之後太康中補本班郎君累遷至大將軍性坦率好別白黑人有不善必盡言無隱時號強唐古在朝數論宰相得失由是久不得調後出為西北戍長乾統三年蕭德勃岱為西北路招討使以后族慢侮僚吏唐古不屈乃罷之唐古訟之

朝不省天慶初烏爾固迪里叛召拜烏爾固部節度使

至部諭降之

天祚紀作保大三年

遂出私財乃發富民積以賑其

困乏部民大悅加鎮國上將軍會蕭德裕以都統率兵與金人戰敗績唐古請以軍法論且曰臣雖老願為國破敵不納保大元年乞致仕明年天祚出奔唐古謁於倒塌嶺見帝流涕帝慰止之復拜烏爾固部節度使及至部迪里以五千人來攻唐古率家奴擊破之加太子太傅年七十二卒

蕭德劬岱字紉鄰晉王孝先之孫父薩布歷官使相德
劬岱短而僂外謹內倨太康中補祗候郎君稍遷興聖
宮副使兼同知中丞司事大安中燕王妃生子德劬岱
以妃叔故歷寧遠軍節度使長寧宮使壽隆二年監討達
勒達博索摩二部多俘而還改同知南京留守事乾統
元年為北面林牙同知北院樞密事受詔與北院樞密
使耶律阿蘇治伊蘇餘黨阿蘇納賄多出其罪德劬岱
不能制亦附會之四年知北院樞密事夏主李乾順

為宋所攻遣使請和解詔德勒岱與牛溫舒使宋平之
宋既許德勒岱受書之日乃曰奉命取要約歸不見書
辭豈敢徒還遂對宋主發函而讀既還朝議為是天慶
三年加守司徒封蘭陵郡王金兵初起廷臣多欲乘其
未備舉兵往討德勒岱獨阻之以至敗衄天祚以德勒
岱不合人望出為西南面招討使八年召為北院樞密
使寵任彌篤是時諸路大亂飛章告急者絡繹而至德
勒岱不即上聞有功者亦無甄別由是將校怨怒人無

闕志保大二年金兵至嶺東耶律薩巴等謀立晉王事
泄帝召德勒岱議曰反者必以此兒為名若不除去何
以獲安德勒岱唯唯竟無一言申理王既死人心益離
金兵踰嶺天祚率衛兵西遁元妃蕭氏德勒岱之姪謂
德勒岱曰爾任國政致君至此何以生為德勒岱但謝
罪不能對天祚怒逐之及其子穆爾薩德勒岱既去為
耶律高善努執送金兵脫身亡歸復為耶律糾堅所得
送之耶律淳時淳已僭號德勒岱自知不免詭曰吾不

能事僭竊之君不食數日卒子穆爾薩為金兵所殺

蕭綽哈字額勒本國舅少父房之後祖阿拉終採訪使

父必埒哩以后父封趙王綽哈貌雄偉性和易年十四

尚越國公主拜駙馬都尉為祇候郎君班詳袞

按道宗紀綽哈

封郡王時官殿前副點檢

年十八封蘭陵郡王遷漢人行宮都部署

兼知樞密院事

據道宗紀增

時帝欲立皇孫為嗣恐無以解

天下疑出綽哈為國舅詳袞降皇后為惠妃遷於乾州

初綽哈母入朝擅取驛馬至是覺奪其封號復與妹魯

姊為巫蠱伏誅詔綽哈與公主離婚籍興聖宮流烏爾
固迪里部天慶中以妹復尊為太皇太妃召綽哈為南
女直詳袞遷征東副統軍時廣州渤海作亂乃與駙馬
都尉蕭罕嘉努

按此與前卷及後文苑傳
之蕭罕嘉努均非一人

襲其不備平

之復敗敵將侯緊于川州是歲東京陷綽哈率麾下力

戰没于陣追贈龍虎衛上將軍

按蕭綽哈與公主
離婚不入外戚

蕭陽阿字稍隱端毅簡嚴識遼漢字通天文相法父卒
自五番部親挽喪車至奚王嶺人稱其孝年十九為本

班郎君歷鐵林鐵鷁大鷹三軍詳袞乾統元年由烏爾
固迪里部屯田太保為易州刺史幸臣劉彥良嘗以事
至州怙寵恣橫為揚阿所沮彥良歸妄加毀訾尋遣人
代陽阿州民千餘詣闕請留授武安州觀察使歷烏爾
固鼎呼順義彰信等軍節度使權知東北路統軍使事
耶律朗布都勒幹等叛獨引麾下三十餘人追捕之身
被二創生擒十餘人送之行在坐不獲首惡免官未幾
權南京留守卒

即律珠展字能登裕悅博果濟之後魁偉雄辯乾統初
補祇候郎君六年加觀察使天慶五年受詔監都統耶
律鄂爾多戰及敗左遷銀州刺史徙咸州紂將嘗與耶
律章努謀立魏國王淳及聞章努自鴨子河亡去引麾
下數人往會之

按天祚紀天慶五年錦州刺史耶律术者叛應張家努官職叛党均異本傳

道為游兵所執送行在殺之

蕭托斯和字伊寔音圖魯卜部人祖哩巴阿爾威部節
度使托斯和謹愿不妄交幼如成人補筆硯寔達爾累

遷祇候郎君轉樞密院侍御咸雍五年遷崇德宮使會有訴北南院聽訟不直者事下托斯和悉改正之為耶律阿蘇所忌帝欲召用輒為所沮歷馬羣太保久不調乾統九年徙天齊殿宿衛明年穀價翔踊宿衛士多不給托斯和出私廩賙之召同知南院樞密使事天慶四年為漢人行宮副部署時金兵初起攻臨寧江州天祚召羣臣議托斯和曰金國雖小其人勇而善射我兵久不練若遇強敵稍有不利諸部離心不可制矣為今之

計莫若大發諸道兵以威壓之庶可服也北院樞密使蕭德
勣岱曰如是徒示弱耳不用其計數月間邊兵屢北人益不
安饒州渤海結構頭下城以叛有步騎三萬餘招之不下托
斯和帥兵往討擒其渠魁斬首數千級耶律章努叛托斯和
與留守耶律大悲努為守禦章努既平托斯和請曰今邊兵
懈弛若清暑嶺西則漢人嘯聚民心益搖臣愚以為宜罷此
行不納乃命控扼東路招集散卒後以太子太傅致仕卒
耶律阿息保字達爾丹五院部人祖呼喇太祖時徙居

西北部世為招討司吏阿息保慷慨有大志年十六以才幹補內史天慶初轉樞密院侍御金人起兵城境上遣往詰之金人曰若歸阿蘇敢不聽命還具以聞金兵陷寧江州邊兵屢敗遣與耶律章努等齎書而東阿息保曰臣前使依詔開諭畧無所屈將還謂臣曰若所請不遂無相見今臣請獨往不聽將行別蕭德勒岱曰不肖適異國必無生還願公善輔國家既至果見執爰乃遁歸遷都巡捕使六年從阿蘇討耶律章努加領軍衛

大將軍阿蘇將兵而東阿息保送至軍乃還天祚怒其
專鞭之三百尋為奚六部圖哩太尉阿蘇反阿息保以
偏師進擊臨陣墜馬被擒因阿蘇有舊得免時阿蘇好
殺屢勸止之全活者衆阿蘇敗乃還囚中京數歲保大
二年金兵至中京始出獄尋為德呼勒皮室詳袞是時
魏王淳僭號屢招之阿息保封其書以獻因諫曰東兵
甚銳未可輕敵及寔訥圖

按寔訥圖原文作石輦鐸通
鑑綱目並同惟天祚本紀作

石輦驛蓋傳寫之訛而遼史
此傳又訛石為右今併改

之敗天祚奔竄召阿息保

不時至疑有二心并怒為淳所招殺之初阿息保知國將亡前後諫甚切及死以非罪人尤惜之

蕭伊蘇字特默國舅少父房之後性謹愿壽隆間累任劇官天慶初知國舅詳衮事遷殿前副點檢金兵起為行軍副都統往援賓州

據天祚紀增

以戰失利罷職六年出

為武定軍節度使遷西京留守明年討劇賊董龐兒戰易水西大破之以功為北府宰相加左僕射兼東北路都統十年金兵陷上京詔為上京留守知益鐵內省兩

司東北路統軍司事

據天祚紀增

為政寬猛得宜衆咸愛之

保大二年金兵大至伊蘇軍潰左遷西南面招討使以

部民流散不赴及天祚播遷給侍從不闕拜殿前都點

檢凡金兵所過諸營敗卒復聚上京遣伊蘇為上京留

守以安撫之

按天祚紀保大四年伊蘇知北院樞密使事

明年盧彥倫以城

叛伊蘇被執數月以居官無過得釋後為耶律達寔所

殺

蕭呼敦字哈準其先蘇克濟太祖時願隸宮分遂為太

和宮分人曾祖達魯明醫世預太醫選子孫因之入官者衆呼敦為人便佞與物無忤清寧初補近侍大安元年為彰愍宮太師壽隆二年轉永興宮太師天慶初累遷至殿前副點檢五年從天祚東征為先鋒都統臨事猶豫進至拉林水與金兵戰敗績及討耶律章努以籍私奴為軍遷知北院樞密使事卒呼敦長子騎射見天祚好游畋每言從禽之樂以逢其意天祚悅而從之國政隳廢自此始云

李處溫析津人伯父儼賜姓耶律雅與北樞密使蕭奉先友善儼卒奉先薦處溫為相處溫傾心阿附以固權位而貪污尤甚凡所接引類多小人保大初金兵陷中京天祚奔夾山兵勢日迫處溫以族弟處能子奭外假怨軍聲援結都統蕭幹立魏國王淳稱天錫皇帝以處溫守太慰處能直樞密院奭為少府少監左企弓以下賜官有差會魏國王病自知不起密授處溫番漢馬步軍都元帥意將屬以後事及魏國王卒蕭幹擁兵立王

妃蕭氏為太后權主軍國事以后命名處溫至追毀元
帥劄子處能懼及禍落髮為僧處溫嘗遺易州富民趙履
仁書達宋將童貫欲挾蕭后納土歸宋事覺后執處溫
問之處溫曰臣父子於宣宗有定策功宜世蒙宥后曰
向使魏國王如周公則終享親賢之名于後世誤王者
皆汝父子何功之有并數其前罪惡處溫無以對乃賜死
夷亦伏誅

張琳潘州人幼有大志壽隆末為秘書中允天祚即位

累遷戶部使頃之擢為南府宰相天慶六年渤海叛遣

琳討之以敗免官

據天祚紀增

初天祚之敗於金也意謂蕭

奉先不知兵乃召琳付以東征事琳奏曰前日之敗失

於輕舉若用漢兵二十萬分道進討無不克者乃許其

半仍詔中京上京長春遼西四路計戶產出軍時有起

至二百軍者生業蕩散民甚苦之四路軍甫集尋復遁

去及中京陷天祚幸雲中留琳與李處溫佐魏國王淳

守南京處溫父子召琳欲立淳為帝琳曰王雖帝胄初

無上命攝政則可即真則不可處溫曰今日之事天人
所與豈可易也琳雖有難色亦勉從之淳既稱帝諸將
咸居權要琳獨守太師十日一朝平章軍國大事陽以
元老尊之實則不使與政琳由是鬱悒而卒

蕭烏納一名托卜嘉字達敏六院部人其先嘗為西南
面伊喇烏納魁偉簡重善騎射清寧初兄托多以事入
見帝問族人可用者托多以烏納對補祇候郎君遷近
侍敝史護衛太保太康初為北院宣徽使時伊遜已害

太子因言宋魏國王和囉嚙之子淳可為儲嗣羣臣莫敢言唯烏納及伊勒希巴蕭托輝諫曰舍嫡不立是以國與人也帝猶豫不決五年帝出獵伊遜請留皇孫帝欲從之烏納奏曰竊聞車駕出遊將留皇孫苟保護非人恐有他變果留臣請侍左右帝乃悟命皇孫從行由此始疑伊遜頃之同知南院樞密使事出伊遜淳等帝嘉其忠封蘭陵郡王授殿前都點檢帝謂王師儒耶律固等曰烏納忠純雖狄仁傑輔唐烏抬立穆宗無以過

也卿等宜達燕王知之自是令烏納輔導燕王益見優寵大安初詔尚越國公主烏納固辭改南院樞密使奏請掾史宜以歲月遷叙從之壽隆元年拜北府宰相初天祚在潛邸烏納數以直言忤旨及嗣位出為遼興軍節度使守太傅佛殿實達爾王華誣烏納借內府犀角詔鞠之烏納奏曰臣在先朝詔許日取帑錢十萬為私費臣未嘗妄取一錢肯借犀角乎天祚愈怒奪太傅官降寧邊州刺史尋改臨海軍節度使烏納上書曰自蕭

哈里亡入女真彼有輕朝廷心宜益兵以備不虞不報
天慶元年知黃龍府事改東北路統軍使復上書曰臣
治與女真接境觀其所為其志非小宜先其未發舉兵圖
之章數上皆不聽及金兵來侵戰于寧江州其孫伊德
濟死之烏納退走入城留官屬守禦自以三百騎渡混
同江而西城遂陷復與蕭迪里拒金兵于長漂軍敗免
官五年天祚親征烏納殿復敗績後數日乃與百官入
見授上京留守六年耶律章努叛攻京城烏納發府庫

賚士卒諭以逆順完城池以死拒戰章努無所得而去以功授副元帥尋為契丹都宮使天祚以烏納先朝重臣有定策勲每延問以政烏納對甚切上雖優容終不能用以疾卒

耶律實魯字楚音六院部人祖都丹南院大王父愛實任至統軍副使實魯秉性剛直有經世志始為牌印郎君太康初為伊勒希已郎君時樞密使耶律伊遜誣殺皇后謀廢太子斥忠賢進姦黨實魯惡其所為伊遜覺

之太子既廢以實魯附太子流鎮州天祚即位召為御史中丞時方治伊遜黨有司不以為意實魯上書曰伊遜身出寒微位居樞要竊權肆惡不勝名狀蔽先帝之明誣陷順聖構害忠讜敗國罔上自古所無賴廟社之休陛下獲纂成業積年之寃一旦洗雪政陛下英斷克成孝道之秋如蕭德裕岱寔伊遜之黨耶律赫魯亦不為早辨賴陛下之明遂正其事臣見陛下多疑故有司顧望不切推問伊遜在先帝朝權寵無比先帝若以順

考為實則伊遜為功臣陛下豈得立耶先帝黜逐嬖后
詔陛下在左右是亦悔前非也陛下詎可忘父讐不報
寬逆黨不誅今靈骨未獲而求之不切逆黨未除大寬
不報上無以慰順考之靈下無以釋天下之憤怒氣上
結水旱為沴臣願陛下明詔求順考之瘞所盡收逆黨
以正邦憲快四方忠義之心昭國家賞罰之用然後致
治之道可得而舉矣謹別錄順聖升遐及伊遜等事昧
死以聞書奏不報聞者莫不歎惋乾統中遥授靜江軍

節度使卒子瑪格同中書門下平章事

耶律伊都一名伊楞古國族之近者也慷慨尚義氣保
大初歷官副都統其妻天祚文妃之妹文妃生晉王最
賢國人皆屬望時蕭奉先之妹亦為天祚元妃生秦王
奉先恐秦王不得立深忌伊都將潛圖之適耶律達哈
拉之妻會伊都之妻于軍中奉先諷人誣伊都結駙馬
蕭昱達哈拉謀立晉王尊天祚為太上皇事覺殺昱及
達哈拉妻賜文妃死伊都在軍中聞之懼即引兵千餘

并骨肉軍帳叛歸金會大霖雨道途留阻天祚遣知奚王府蕭錫默北宰相蕭德恭等追捕甚急至間山及之諸將議曰蕭奉先恃寵蔑害官兵伊都宗室雄才素不肯下若擒之則他日吾輩皆伊都矣不如縱之還給云追襲不及伊都既降金為其國前鋒引羅索貝勒兵攻陷州郡天祚大驚知不能敵率衛兵入夾山伊都在金為監軍久不調意不自安乃假游獵遁西夏夏人不納卒

欽定續通志卷四百二十二

欽定四庫全書

史部

欽定續通志卷四百十六

三至

編修_臣謝振定覆勘

總校官原任侍講_臣王燕緒

欽定四庫全書

欽定續通志卷四百二十三

列傳

金一

錫馨

和諾克

薩克達

烏春

溫都布拉

拉必瑪察

埒克

阿蘊

錫馨烏凌阿部人昭祖以條教約束諸部錫馨陸梁不可制及景祖為諸部長自山貢赫圖們扎蘭托卜古倫

各國皆從服會遼使赫魯林牙來索通人錫馨拒不聽命景祖攻之不能克遂以詭計取之乃以錫馨阻絕海東路請於遼遼帝使人讓之曰汝何敢阻絕鷹路審無他意遣其酋長來錫馨使其長子頗克綽歡入朝遼人厚賜遣還曰汝父信無他宜身自入朝錫馨信之明年入見於春蒐頗克綽歡從遼主謂錫馨曰罪在汝不在汝子乃命頗克綽歡還而流錫馨於邊地頗克綽歡蓄怨未發會哈勒琿水赫舍哩部拉必瑪察起兵頗克綽

歡往從之及敗於穆稜水瑪察先遜去頗克綽歡與拉
必就擒及其黨與皆獻之遼主久之世祖復使人言曰
頗克綽歡不還其部人疑懼且亂遼主以為然遂遣頗
克綽歡及前後所獻罪人皆還之

和諾克薩克達國相雅達之子也居完顏部伊敦村雅
達稱國相不知其所從來景祖嘗以幣與馬求於雅達
得國相以命肅宗和諾克兄弟嘗事景祖世祖初季父
伯赫有異志陰誘和諾克欲與為亂會世祖從昭肅皇

后往伊敦村與和諾克薩克達被酒紛爭自是謀益甚間數年烏春叛世祖親拒之和諾克兄弟遂起兵肅宗拒以偏師世祖戒之曰可和則和否則戰至烏魯斯哈珠水既陣肅宗使富德貝勒議和和諾克恃烏春之在北也無和意富德來報或請退軍誘之寬地肅宗惑之乃令軍少却未成列和諾克薩克達乘之肅宗遂敗和諾克乘勝大肆抄畧世祖聞之引衆經舍彈特克兩水取和諾克薩克達之家焚其所居殺畧百許人而還未

至軍肅宗又敗世祖至責讓失利之狀使罕都伊克以本部七穆昆助之復遣人議和和諾克薩克達欲得英格之大赤馬希卜蘇之紫騮馬世祖不許遂與博都哩部布呼富察部薩克蘇及混同江左右布克坦水北諸部兵皆會厚集為陣鳴鼓作氣和諾克恃其衆有必勝之心下令曰今天門開矣悉以爾車自隨烏古鼐夫婦寶貨財產恣爾取之有不從者俘畧之而去和諾克至北隘旬世祖將出兵聞伯赫已死乃遣肅宗求援於遼

戒希卜蘇整軍速進使待於托果原將戰世祖屏人與
穆宗私語兵敗則乞師以報讐仍令穆宗勿預戰事介
馬以觀勝負先圖去就乃棄旗提劍身為軍鋒盡銳搏
戰和諾克步軍以千盾進世祖之衆以長槍擊之步軍
大敗希卜蘇從後奮擊之騎兵亦敗盡獲所棄車甲馬
牛軍實頒於將士和諾克薩克達尋以其屬來降布呼
猶保薩喇村招之不出薩克蘇據烏魯斯哈珠村世祖
遣人與之議和薩克蘇謾言戲答有人從道傍射之中

口死布呼之屬舒嚕亦殺布呼而降

烏春阿卜薩水溫都部人以鍛鐵為業因歲歉策杖負
擔與其族屬來歸景祖與之處以本業自給既而知其
果敢善斷命為溫都部長遣其甥完顏富德送歸世祖
初嗣節度使叔父伯赫陰懷覬覦間誘和諾克薩克達
及烏春烏木罕等為變烏春由是頗二於世祖而虐用
其衆部人來訴世祖使人讓之烏春曰吾與汝父等輩
舊人汝為長能幾日干汝何事世祖內畏伯赫恐羣朋

為變曲意懷撫烏春欲發兵無以為端瓜爾佳部鄂博
台亦鐵工也以被甲九千來售烏春聞之使人來讓曰
甲吾甲也拉林水以南布克坦水以北皆吾土也何故
輒取吾甲其亟以歸我世祖曰彼以甲來市吾與直而
售之烏春意沮詭言必欲和解則使伯赫之子色克及
色埒來世祖度其意非真不得已而遣之乃謂色埒曰
色克無害彼且執汝矣宜辭疾勿往既而同行者強之
烏春果厚禮色克而執色埒曰得甲則生否則死世祖

與以甲色埒乃得歸烏春自此益無所憚後數年烏春
舉兵來戰由色辰嶺涉和倫拉林水舍於珠格部阿勒
哈村時十月中大雨累晝夜不止冰澌覆地烏春不能
進乃引去沃呼部人博諾舊事景祖至是亦有他志與
烏春烏木罕結約烏春舉兵度嶺世祖駐軍溫關村以
待將戰命肅宗自上風縱火擊之烏春大敗復獲博諾
獻於遼而城蘇素海甸以據之世祖與拉必瑪察戰烏
春助拉必以古哩甸兵百十七人世祖擒拉必獻於遼

并言烏春助兵之狀仍以不修鷹道罪之遼主使人問
狀烏春為調言答之拉必既敗世祖盡得古哩甸兵乃
使罕都為都統破烏春烏木罕於實都而自將過沃濟
嶺至烏木罕村和倫瓜爾佳部覈寬貝勒居烏雅部富
哲固納以所部與烏春近請分一軍由所部伐之乃使
色埒默雅爾盤以支軍道其所居世祖自將大軍與罕
都合至阿卜薩水嶺東諸部皆會實圖美亦以所部兵
來是時烏春前死烏木罕聞知世祖來伐訴於遼人乞

與和斛使者已至其家世祖軍至烏木罕請緩師盡以前所納亡人歸之世祖使烏凌阿果多歡貝勒往受烏木罕以三百騎乘懈來攻世祖敗之遼使惡其無信不復為主和乃進軍圍之太祖衣短甲行圍號令諸軍烏木罕使托雲潛出城攻之托雲馳馬援槍將及太祖和爾和擊斷其槍太祖乃得免色埒默至色辰水用固納計取烏春軍二十人益以土軍來助烏木罕自知不敵乃遁去遂克其城盡以貲產分賚軍中諸部皆安輯焉

穆宗常嘉固納功後以色埒默之女守寧妻其子呼爾罕烏春之後為溫都氏裔孫曰布拉

溫都布拉始居長白山阿布鐵河徙隆州額勒敏河初從希尹征伐攝明安穆昆事遇賊突出力擊敗之手殺二十餘人擢修武校尉天德初充護衛遷宿直將軍海陵以其善射賞以玉鞍銜往海蘭路選可充護衛者使還稱旨遷伊囉幹羣牧使改遼州刺史正隆伐宋召為武翼軍副都總管將兵二千至汝州南遇宋兵二萬餘

邀擊敗之手殺將士十餘人時嵩汝兩州百姓多逃去
布拉招集使復其業改莫州刺史徵為太子左衛率府
率再遷隴州防禦使歷鎮西呼爾哈顯德軍節度使致
仕卒

拉必瑪察者哈勒渾水赫林鄉赫舍哩部人也兄弟七
人素有名聲人推服之及烏春烏木罕等為難乘機結
屯水之民浸不可制其同里中有避之者徙於必罕村
野居女真中拉必怒將攻之乃約烏庫哩部薩蘭貝勒

富哲達蘭呼實默貝勒和羅貝勒溫綽歡貝勒和羅溫
綽歡間使人告野居女真為備拉必等敗歸復由南路
襲野居女真勝之俘畧甚衆和羅溫綽歡呼實默畏拉
必求援於世祖命色埒默以輕兵邀擊於特默圖村敗
之盡得所俘拉必瑪察驅掠拉林水牧馬世祖至混同
江與穆宗分軍世祖自圖古勒津倍道兼行馬多乏皆
留之路傍從五六十騎遇拉必於野鵲水日已曛拉必
兵衆世祖突陣力戰中四創不能軍穆宗自額爾琿津

渡江遇敵於巴爾密特水矢著弓箠是歲拉必瑪察使其徒吉遜通阿及托迪剽取呼拉布灤牧馬四百及富哲尼堪之馬合七百餘匹過青嶺東與烏春烏木罕交結世祖自將伐之拉必等偽降還軍拉必復求助於烏

春烏木罕烏木罕以古哩甸兵百有十七人助之

按烏春傳

拉必求援烏春助以古哩甸兵百有十七人此又云烏木罕以古哩甸兵百有十七人助之意烏春烏木罕此周為黨故彼拉必據穆稜水保固險阻為世祖所擒盡此互言之歟

獲其兵世祖既沒肅宗襲節度使瑪察據哲克依水繕

完營堡招納亡命杜絕往來者恃屯水民為之助招之不聽使康宗伐之是歲白山混同江大溢水與岸齊康宗自阿林岡乘舟至於刷水舍舟沿刷水而進使太祖從東路取瑪察家屬盡獲之康宗圍瑪察瑪察突圍遯去太祖與呼嚕古分道追之至哲克依水瑪察棄馬入荏葦罕都射中其首擒而殺之獻馘於遼

埒克圖們琿春水合流之地烏庫哩部人呼沙呼之子卓多琿春水安春之呼沙呼之子也間誘烏遜烏塔兩

部之民作亂達薩塔通恩皆叛而與埒克卓多合兩黨
揚言曰圖克坦部之黨十四部為一烏庫哩部之黨十
四部為一富察部之黨七部為一凡三十五部完顏部
十二而已以三十五部戰十二部三人戰一人也勝之
必矣世祖降附諸部亦皆有離心穆宗使薩哈伐埒克
使們圖琿伐達薩塔既而太祖以七十甲詣薩哈軍中
道分四十甲與們圖琿實圖美之軍與們圖琿會於穆
魯密斯罕城下而通恩將援埒克聞們圖琿兵寡先攻

們圖琿們圖琿實圖美迎擊大破之遂降獲通恩達薩
塔皆釋弗誅太祖至薩哈軍明日遂攻破埒克城烏塔
城亦撤守備而降埒克先在遼烏塔已脫身在外由是
皆未獲卓多詣普嘉努降太祖釋之於是諸部皆安業
如故久之埒克烏塔皆來降

阿蘇錫馨水赫舍哩部人父阿哈事景祖世祖世祖破
烏春還阿哈率官屬士民迎謁獻黃金五斗世祖喻之
曰烏春本微賤吾父撫育之使為部長而忘大恩乃結

怨於我遂成大亂自取滅亡吾與汝等三十部之人自
今可以保安休息我死汝等當念我竭力以輔我子弟
若亂心一生則滅亡如烏春矣未幾世祖沒阿哈亦死
阿蘇繼之阿蘇自其父時常以事來昭肅皇后甚憐愛
之每至必留月餘乃遣歸阿蘇既為貝勒嘗與圖克坦
部卓多貝勒爭長肅宗治之乃長阿蘇穆宗嗣節度聞
阿蘇有異志召賜鞍馬深加撫諭阿蘇謀益甚復召之
不來遂與同部穆都哩等起兵穆宗自瑪竒嶺攻之薩

哈自和倫嶺往畧定珊沁錫磬兩路攻下通恩城穆宗至阿蘇城阿蘇往訴於遼遼人來止勿攻穆宗不得已

留和卓守阿蘇城而歸閱五年

按金世紀穆宗三年丙子留和卓守阿蘇城七

年庚辰穆都哩降則是已歷五年也原文作二年今改正阿蘇在遼不敢歸穆都哩

乃降遼使復為阿蘇來穆宗聞之使烏凌達舒嚕濟師

且戒和卓令易衣服旗幟與阿蘇城中同色使遼使不

可辨遼使至乃使呼嚕密遜俱至和卓軍和卓詭曰吾

等自相攻干汝何事誰識汝之太師乃刺殺呼嚕密遜

所乘馬遼使驚去遂破其城殺阿蘇弟達呼布阿蘇復
訴於遼遼使伊喇來問狀穆宗因使矩威圖塔水人偽
阻絕鷹路者而使人言平鷹路非生女真節度使不可
遼主信之穆宗畋於屯水謂遼人曰吾平鷹路也遼人
使來賞之而阿蘇事遂止阿蘇在遼無所歸後二年使
其徒德濟至生女真界上海蘭甸人畏穆宗執而送之
及太祖伐遼底遼之績告於天地而以阿蘇亡命遼人
不與為言凡與遼往復書命必及之天輔六年棟摩羅

索畧定天德等州獲阿蘇軍士問之曰爾為誰曰我破
遼鬼也太祖杖而釋之

欽定續通志卷四百二十三

欽定四庫全書

欽定續通志卷四百二十四

列傳

金二

罕都

默音

伊克

阿里布
芬撒

固納

額爾古納

希卜蕪

宗亨
宗賢

薩哈

宗憲

幹魯

烏楞古

博勒和

烏哲庫

尼楚赫

古雲

馬奇

烏色

巴爾斯

罕都完顏部人祖舒魯與昭祖同時同部同名交相得
誓曰生則同川居死則同谷葬土人呼為賢舒魯而別
昭祖為勇舒魯昭祖嘗同賢舒魯虜舒水人二女長
曰達呼幼曰濟色各納其一以為妾舒魯生噶順景祖
時舉部來歸罕都噶順子也世祖初襲節度使伯赫蓄
異謀不可制諸部相繼為變罕都入與謀議出臨戰陣
未嘗去左右沃呼部人博諾自景祖時與其兄弟俱居
安春水之北及烏春作難博諾與之相結欲先除去罕

都會其家被火陰約隸人布格蘓誣放火為罕都遣人
謂世祖曰布格蘓來告曰前日之火罕都等縱之若不
棄舊好其執縱火之人以來世祖疑之蘓爾噶勒曰博
諾兄弟也宜以一二人之故而與兄弟構怨乎不如與
之便罕都被甲執戟而起曰彼為亂之人若取太師兄
弟亦與之乎今取我輩我輩決不可往若必用戰當盡
力致死穆宗曰壯哉罕都贈以馬曰戰則乘此世祖往
見博諾隔必喇水而與之言曰所告縱火之由謹當如

約當先遣布格蘓來布格蘓至世祖於馬前殺之拉必
瑪察與世祖遇于野鵲水罕都入敵陣鏖擊之左右出
入者數四烏春烏木罕據哈勒渾水世祖既許之降以
薩喇達蘭不助軍欲因軍還滅之達蘭者貞惠皇后之
弟也罕都下馬執轡而諫曰獨不念費揚古與弟婦乎
世祖感其言遂止費揚古漢語幼弟也世祖母弟中穆
宗最少故云然穆宗德之後以達蘭女妻其子古紳太
祖追瑪察罕都射中其首遂獲之遼人命穆宗太祖希

卜蘇罕都俱為詳袞額森烏爾圖以古哩甸兵來歸使
薩布撫定之富察部古實巴克實等誘其衆入城陷三
百餘人罕都為都統往治薩布失軍之狀盡解薩布所
將軍大破烏春烏木罕於實都擒古實巴克實初納哈
塔部薩巴之弟曰安扎與人爭部族官不得來歸穆宗
安扎之甥曰薩塔告安扎必為變穆宗不信而殺之後
穆宗晨出獵安扎糾率七八人操兵入宅奪據寢門劫
貞惠皇后及家人等罕都入見安扎曰閤門眷屬宜足

劫質汝固識我盍以我為質安扎從之貞惠皇后乃得解而質罕都薩哈使人告急於獵所穆宗亦心動罷獵中途逢告者日午至安扎謂穆宗曰可使女真知名官僚送我兄弟親屬由咸州路入遼國庫金廐馬與我勿惜罕都亦當送我至遼境然後還穆宗皆從之遂執罕都等七人以衣裾相結送至遼境乃釋之罕都至黃龍府使人馳要安扎黨屬具報於遼遼人流之和勒端城初穆宗襲位諸父之子錫林薩布及諸兄有異言曰君

相之位皆渠輩為之奈何罕都曰汝輩若紛爭則吾必
不默默但已衆聞之遂帖然自是不復有異言者罕都
事四君出入四十年世祖嘗曰吾有罕都則何事不成
肅宗委任冠於近僚穆宗嗣位凡國遼事皆專委之康
宗尤加敬禮康宗十一年得疾避於默勒門水薨年六
十三喪歸康宗親迓於路送至其家親視葬事天會十
五年追贈儀同三司代國公明昌五年贈開府儀同三
司諡曰忠敏子古紳默音古紳自有傳默音當安北之

難從罕都代為質後與宗峻俱侍太祖宗峻生默音上
帝怒命生其下貝勒拉巴哩博克順希卜蘇三人爭千
戶帝曰汝輩能如罕都父子有勞於國者乎乃命默音
為千戶三人者皆隸焉其眷顧如此天輔五年十二月
卒天會十五年贈太子少傅

伊克系出景祖居舍音水為完顏部貝勒與同部人巴
哩貝勒安圖貝勒及諸部貝勒俱來歸金國自此益大肅
宗拒和諾克再失利世祖命罕都伊克以本部穆昆之

兵助之伊克與罕都常在世祖左右居則與謀議出則
莅行陣未嘗不在其間天會十五年贈銀青光祿大夫
明昌五年贈特進諡忠濟與罕都和卓博諾巴達俱配
享世祖廟庭子阿里布固納額爾古訥薩克達薩克達
子芬徹

阿里布魁偉多知略勇於戰未冠從軍下咸州東京遼
人來取海州從貝勒瑪奇往援道遇重敵力戰斬首千
級從烏楞古攻豪懿州以十餘騎破敵七百命徇北地

招降營帳并民戶數千時已下西京棟摩攻應州未下
退營於州北夜遣阿里布率兵伺敵城中出兵三千來
襲阿里布與之遇斬首百餘獲馬六十後遼兵三萬出
馬邑以千騎擊之斬其將於陣天會初宋王宗望討張
覺遣與阿勒達迎擊應州援兵斬馘數千而還復從其
兄約罕率兵三千攻乾州約罕道病卒代領其衆至乾
州降其軍與布呼攻下義州宗望伐宋與郭藥師戰于
白河命阿里布以二穆昆先登奮戰賞賚特異至汴破

淮南援兵斬其二將大軍退次孟陽姚平仲來襲阿里
布適當其中力戰敗之還至河間大名開德合兵十餘
萬來爭即夜發輕兵詰旦至衛縣遇敵斬首數千級餘
皆潰去師次邢州滹沱橋已焚阿里布先以偏師營於
水上北軍至而橋成宗望大喜賞以真定庫物論功遷
長勝軍千戶再從伐宋破敵於井陘遂下藥城自大名
濟河屯於沼州之境時宋康王留相州大名府以兵來
攻我營阿里布乘夜以騎二百潛出其後反擊敗之居

數日敵復來以三百騎出戰大敗其衆生擒蘇統制殺
之大軍既克汴京遂下洛州從達蘭攻恩州還洛人復
叛阿里布先至城下城中出兵來戰敗之執其守佐遂
與富埒瑄取信德軍梁王宗弼取開德阿里布以步兵
五千赴之大名境內多盜命阿里布留屯其地賊犯莘
縣聞阿里布至即潰去追襲一晝夜至館陶及之皆俘
以歸從宗弼襲康王既渡淮阿里布以兵四千留和州
總督江淮間戍將以討未附郡縣遂攻下太平州隲其

城廬州叛以偏師討之敗其騎六千明日復破敵二萬
於慎縣張永合步騎數萬來戰阿里布兵止二千敵圍
之潰圍力戰竟敗之追殺四十里獲馬三百而還再攻
廬州與達呼布敗敵萬衆於拓犖至廬州騎兵五百出
戰敗之師還宗弼趨陝西道聞大名復叛遣阿里布經
畧之獨與譯者至城下招之大名果降悉收民間兵器
吏民按堵如故擢為大名開德路都統齊國建阿里布
屯兵於汴城外天會十五年詔廢齊國已執劉麟乃先

入汴京備變明年除歸德尹割河南地與宋入為燕京
內省使宗弼復河南命先濟河撫定諸郡再為歸德尹
河南路都統宋兵來取河南地宗弼召諸將會於汴阿
里布以敵在近獨不赴而宋將岳飛劉光世等果乘間

襲取許潁陳三州

按宋史紹興十年岳飛收復順昌潁
昌淮寧諸府及蔡鄭汝趙等州順昌

即潁州潁昌即許
州淮寧即陳州也

兵犯歸德阿里布連擊敗之復取毫

宿等州河南平阿里布功最皇統五年為行臺叅知政
事改元帥右監軍博索路統軍歸德軍節度使累階儀

同三司海陵在軍中嘗惡之發其在汴時取官舍材木
構私第於恩州遂論死阿里布以將家子從征伐屢立
功歷官有惠愛得民心及死人皆惜之大定三年贈儀
同三司詔以其子為右衛將軍襲明安及親管穆昆

因納善騎射有才幹從討和諾克薩克達烏春烏木罕
埒克之叛皆有功從太祖伐遼力戰寧江州珠赫店破
遼主親軍皆受賞賚襲其父穆昆宗翰伐宋令以右翼
軍佐尼楚赫守太原是時汾州嵐憲潞團柏榆次皆有

兵來援固納皆破之大軍圍汴復引萬戶軍屢敗其援
兵憲潞等州復叛引兵取之并收撫保德火山而還後
領軍鎮夏邊在職十二年天會八年授世襲明安天眷
初為天德軍節度使致仕累遷開府儀同三司卒年八
十五子喜格襲明安加宣武將軍

額爾古訥姿質魁偉年十四隸宗翰軍中善馳驛日能
千里常領兵行前為偵候大軍襲遼主北部勇者通古
來援臨陣擒之引甲騎六十追遼詔討徒山獲之又以

七騎追獲遼公主額布勒以獻及伐宋屢遣將命以行
天會八年從宗翰在燕聞伊都反於西北令馳驛以往
黎明走天德及至日未曛也皇統元年以功授寧遠大
將軍哈喇唐古部節度使五年授千戶六年遷西北路
招討使九年再遷天德尹西南路招討使天德四年遷
臨洮尹加金紫光祿大夫卒官

芬徽自上京密齋顯河徙屯天德初為元帥府章京使
按四方能得其實皇統間除同知開遠軍節度使斥候

嚴整邊境無事正隆初為中都路兵馬判官捕京畿盜四十餘人百姓獲安改安化軍節度副使大定二年領行軍萬戶充邳州刺史知軍事領本州萬戶管所屯九明安軍昌武軍節度使山東副都統薩哈南征行元帥府副都統事入為太子少詹事襲伯父固納明安歷博索路兵馬都總管西北路招討使卒芬徹性廉潔忠直臨事能斷凡被任使無不稱云

希卜蘇昭祖之孫烏肯徹次子也希卜蘇健捷能左右

射世祖襲節度與肅宗拒和諾克薩克達戰於烏魯斯
哈珠水已再失利世祖使希卜蘇先陣於托果改原而
身出搏戰敗其步軍希卜蘇自陣後奮擊之敗其騎軍
所乘馬中九矢不能馳遂步趨而出是役也希卜蘇之
功居多世祖嘗疑珠嘉布勒圖與烏春等為變遣希卜
蘇單騎往觀布勒圖與呼魯置酒樓上以飲之希卜蘇
聞其私語昵昵若將執己者一躍下樓傍出藩籬之外
棄馬而歸其勇趨如此博諾約烏春舉兵世祖至蘇素

海甸與烏春遇肅宗前戰色埒希卜蘇佐之束蘊縱火
煙焰敝天大敗烏春執博諾以歸太祖獲瑪察獻馘于
遼人賞功穆宗太祖罕都希卜蘇皆為詳袞焉後與鄂
蘭哈瑪爾威泰佐薩哈攻埒克城下之太祖伐遼使頗
兵千人夾侍左右珠赫店之役惟希卜蘇之策與太祖
合卒破十萬之師挫其軍鋒遂與太宗薩哈等勸進收
國元年七月為愛滿貝勒天輔七年太宗與希卜蘇居
守鄆王昂違律失衆法當死於時遼人以燕京降宋人

約歲幣三月世宗生希卜蘇謂太宗曰兄弟骨肉以恩掩義寧屈法以全之今國家迭有大慶可減帛以無死若主上有責言以我為說太宗然之遂杖帛以聞太祖每伐遼輒命希卜蘇與太宗居守雖無方面功而倚任與薩哈侔矣是歲七月薨正隆二年贈開府儀同三司追封曹國公大定三年進封金源郡王配饗太祖廟庭諡忠毅子呼沙呼國初有功天會中為真定留守孫宗亨宗賢

宗亨本名托卜嘉性忠謹天輔初充護衛擒宗磐宗雋
有功加忠勇校尉遷昭信校尉尚廩局直長三年升本
局副使丁父憂時宗正官屬例以材選宗亨在選中遂
起復為烏克遜宗室將軍改會寧府少尹歷登州獻州
刺史澤州定為特們羣牧使同知北京路轉運使改澤
州定國軍節度使海陵南伐以本職領武陽軍都總管
過淮世宗即位班賜手詔即入朝大定二年授右宣徽
使未幾為西北路兵馬都統討契丹賊斡罕富察世傑

等以七穆昆軍與之戰失利及幹罕敗其黨瓜里扎巴
率衆南奔宗亨追及之扎巴詐稱降宗亨信之扎巴詭

曰瓜里走願往邀宗亨縱之去

原文作宗亨不聽按幹罕傳扎巴誑宗亨宗亨

縱之去蓋都明安欲連之宗亨不聽原文蓋刪節之誤也今改正

復縱軍士取賊所棄

囊橐人畜多自有之瓜里扎巴亡入于宗坐降寧州刺

史

宗賢本名色哩從都統果襲遼主于鴛鴦濼又從普嘉
努以兵助達蘭襲耶律瑪格普嘉努使諸將率兵分行

招諭獲遼留守迪越家人輜重并降羣牧官穆喇幹得馬甚多色哩等趨伊德遂以偏師深入敵邀擊之薩哈戰沒普嘉努至旺國崖西色哩以兵會之累官至左副點檢天眷二年方捕宗雋色哩坐會飲其家奪官爵未幾復官皇統四年授世襲穆昆轉都點檢封幽國公拜平章政事累加太保左丞相監修國史進太師領三省事兼都元帥出為南京留守領行臺尚書省事兼西京留守色哩自護衛未十年位兼將相常感激思自効於

悼后為母黨后專政色哩未嘗附麗熙宗未有嗣子色哩請選後宮以廣繼嗣后以此怨之與海陵同在相位不少假借為海陵所忌因與后共排出之色哩亦不以是少變胙王常勝死熙宗納其妻宮中頃之殺悼后将以常勝妻為后未果也及海陵弑熙宗詭以熙宗將議立后召諸王大臣色哩聞召將入宮謂人曰帝必欲立常勝妻為后我當力爭之及被執猶以為熙宗將立常勝妻而先殺之也曰誰能為我言者我死固不足惜獨

念主上左右無助爾遂遇害

薩哈韓國公和卓長子景祖之孫也穆宗初襲位念和卓長兄不得立命為國相穆宗鋤除彊梗不服者使薩哈取瑪竒嶺道攻阿蘇穆宗自將期會阿蘇城下薩哈行次阿卜薩水烏雅部色埒貝勒來謁謂薩哈曰聞國相將與太師會攻阿蘇此為深入必取之策宜先撫定珊沁錫馨路落其黨附奪其民人然後合軍未晚也薩哈從之攻通恩城請濟師穆宗與之薩哈遂攻下通恩

城而與穆宗會阿蘇城下時通恩在南阿蘇在北穆宗
聞薩哈用色埒計先取通恩頗不然之及遼使來止勿
攻阿蘇然後深以先取通恩城為功也尋以國相都統
討埒克卓多烏塔等軍埒克卓多烏塔通恩皆降康宗
沒太祖稱達貝勒與薩哈分治諸部必塔水以北太祖
統之拉林水人民薩哈統之明年太祖伐遼戰于界上
獲色寶太祖使告克于薩哈賜以所獲色寶乘馬薩哈
及將士皆驩呼曰義兵始至遼界一戰而勝滅遼自此

始矣遣子宗翰及完顏希尹來賀捷因勸進太祖未之從也十月克寧江州破遼軍十萬于鴨子河師還太宗及薩哈希卜蘇率諸將復勸進收國元年正月朔太祖即位行國相如故時羣臣奏事薩哈等前跪太祖起泣止之曰今日成功皆諸君協輔之力吾雖處大位未易改舊俗也薩哈等感激再拜謝天輔後始正君臣之禮焉七月薩哈為古倫貝勒九月加古倫烏赫哩貝勒天輔五年薨太祖往弔乘白馬踴額哭之慟及葬復親臨之

薩哈為人敦厚多智長于用人居純儉好稼穡自始
為國相能馴服諸部訟獄得其情及伐遼每以宗臣為
內外倚重天會十五年追封燕國王正隆時降封陳國
公大定三年改贈金源郡王配饗太祖廟庭諡忠毅十
五年詔圖像于衍慶宮子宗翰宗憲宗翰別有傳

宗憲本名阿蘭年十六選入學習女真字書兼通契丹
漢字未冠從宗翰伐宋汴京破衆人爭趨府庫取財物
宗憲獨載圖書以歸朝廷議制度禮樂往往因仍遼舊

宗憲曰方金奄有遼宋當遠引前古因時制宜成一代之法何乃近取遼人制度哉希尹由是器重之達蘭宗雋倡議以齊地與宋宗憲力爭不聽後以捕宗磐宗雋功授昭武大將軍修國史累官尚書左丞宗弼復取河南陝西地熙宗從容謂之曰卿嚮以河南陝西地不當與宋今復取之猶用卿言也卿識慮深遠自今以往其盡言無隱遂攝門下侍郎初熙宗以疑似殺左丞相希尹久之察其無罪將錄用其孫以語宗憲宗憲對曰不

先明死者無罪生者何由得仕熙宗曰卿言是也即日
復希尹官爵用其孫守道為應奉翰林文字皇統五年
將肆赦議覃恩止及女真人宗憲奏曰莫非王臣慶幸
豈可有間耶遂改其文使均被焉轉行臺平章政事天
德初為中京留守武安軍節度使封河內郡王改太原
尹進封鉅鹿郡王正隆例奪王爵再遷震武武定軍節
度使世宗即位遣使召之宗憲先已棄官來歸與使者
遇於中都遂見世宗于小遼口除中都留守即遣赴任

詔與元帥完顏古雲同議軍事明年改西京留守八月
改南京布薩忠義自行臺朝京師宗憲攝行臺尚書省
事召為太子太師世宗謂宗憲曰卿年老舊人更事多
矣望太子年尚少謹訓導之俄拜平章政事太子太師
如故賜以太祖實錄伊喇高善努前為寧州刺史以貪
污免世宗以其祖父有功擢為秘書少監宗憲曰高善
努傲狠貪墨不可致之左右世宗即追還制命有司言
諸路明安穆昆怙其世襲多擾民請同流官以三十月

為考詔下尚書省議宗憲乃上議曰昔太祖皇帝撫定天下誓封功臣襲明安穆昆今若改為遷調非太祖約臣謂當明核善惡進賢退不肖有不職者更擇弟姪賢者代之遂從其議進拜右丞相大定六年薨命百官致奠賻以重綵銀絹

幹魯韓國公和卓次子康宗初與烏色佐威泰伐沃赫拔其城以歸高麗築九城於海蘭甸烏色母疾病幹魯代將其兵者數月亦對築九城與高麗抗出則戰入則守

烏色用之卒敗高麗收國二年四月詔幹魯統諸軍與棟摩芬徹都古爾訥合咸州路都統烏楞古等伐高永昌永昌渤海人在遼為裨將以兵三千屯東京八廐口見遼政日敗覬覦非常乘東京漢人與渤海人有怨乃誘諸渤海并其戍卒入據東京旬月之間遠近響應有兵八千人遂僭稱帝改元隆基遼人討之久不能克永昌使托卜嘉標哈以幣求救於太祖且願併力取遼太祖使華沙布往諭之永昌使托卜嘉呼圖克與華沙布

偕來而表辭不遜且請還所俘渤海人太祖留呼圖克
不遣遣大藥師努與托卜嘉往招諭之幹魯方趨東京
遼兵六萬來攻昭蘇城額圖琿貝勒烏魯斯準與戰於
伊都大破之五月幹魯復敗遼軍遂進取瀋州永昌大
懼使家奴道拉賫金印銀牌來願去名號稱藩幹魯使
華沙布薩巴往報之會渤海高禎降言永昌非真降者
特以緩師而幹魯進兵永昌遂殺華沙布等率衆拒于
鄂爾和水我軍既濟敵軍不戰而却逐北至東京城下

明日復戰大敗之遂以五千騎奔長松島初太祖下寧江州獲東京渤海人皆釋之往往中道亡去諸將請殺之太祖曰既已克敵下城何為多殺此輩亡去後日當有効用者至是所釋東京人思勝努仙格等執永昌妻予以城降未幾托卜嘉執永昌及道拉以獻皆殺之於是遼之南路係籍女真及東京州縣盡降以韓魯為南路都統德特貝勒留烏珍知東京事詔除遼法省賦稅置明安穆昆一如本朝之制矩威水部錫勒哈塔殺緯

哈布古德幹魯瓜和隆果烏珍之兵討之至希爾哈河
錫勒哈塔遜去追及于哈達拉山誅其首惡四人撫定
餘衆賜詔嘉獎令以其民三百戶為一穆昆擇衆所推
服者領之仍質其子弟幹魯乃還天眷中從都統襲遼
主遼主西走西京已降復叛敵據城西浮圖下射攻城
者幹魯與哈布爾攻浮圖奪之復以精銳乘浮圖下射城
中遂破西京夏國主使李仁輔將兵三萬來救遼次于
天德幹魯與羅索合軍擊敗之拜西南路都統宗望副

之襲遼主於陰山青塚間使巴喇繳薩噶爾瑪克以兵
二百襲遼權六院司喀勒扎於白水灤獲之遼主留輜
重於青塚領兵一萬往應州遣卓哩布達各率兵邀之
宗望奄至遼主營盡俘其妻子宗族得其傳國璽幹魯
使使奏捷詔徧諭有功將士俟朕至彼當次第推賞遼
主親屬勿去其輿帳善撫存之遼主伶俜去國恐隕其
命如招之肯來以其宗族付之遼趙王實訥埒及諸官
吏並釋其罪太祖還京師命副宗翰為西北西南兩路

都統奏言夏人不盡歸戶口資幣又以宋人侵賜地求
援兵宋之邊臣將取所賜夏人疆土蓋有異圖詔令謹
守備盡索在夏戶口通聞兩國事審處之幹魯復請勿
割山西與宋則遼主不能與宋郭藥師交通詔從之宗
翰等伐宋幹魯行西南西北兩路都統事天會五年薨
皇統五年追封鄭國王天德二年配享太祖廟庭子薩
巴銀青光祿大夫孫色哩

烏楞古貝勒宗室子也太祖伐遼使烏楞古阿魯撫諭

幹琿集賽兩路係遼女真與遼節度使托卜嘉戰敗之
斡托卜嘉古納嶺烏爾圖罕等十四達哈藩及幹琿集
賽兩路皆降復敗遼都統錫埒于咸州西斬之與羅索
克咸州圖們呼圖以所部降鄰部戶七千亦來歸遂與
遼將赫伯戰破其軍數萬人太祖嘉之以為咸州軍帥
佐幹魯伐高永昌遼秦晉國王耶律聶呼來伐都古爾
訥羅索博勒和等將二萬衆合烏楞古咸州兵往擊之
呼圖克叛入于遼居東京南永昌據東京太祖索之以

歸烏楞古代永昌以便宜署呼圖克為千戶蘇都哩鄂勒博皆無功亦以便宜除官及以便宜解權穆昆哈布爾黃格達希布等職皆非其罪太祖聞之盡復哈布爾等穆昆呼圖克等皆罷去時烏楞古軍中闕馬官馬多匿私家命檢括之耶律聶呼佛德遺烏楞古書請和烏楞古以聶呼書并所答書來上且請曰復有書問宜如何報之詔曰若彼再來請和汝當答以歸我行人薩喇及送叛臣阿蘇等則和好之議方敢奏聞仍恐議和非實

無失備禦耶律聶哱軍蒞莽山烏楞古以兵一萬戍東
京太祖使都古爾訥羅索復以兵一萬益之詔將士拒
命者討之服者撫安之毋肆殺戮因命傳詔聶哱曰汝
等誠欲請和當廢黜昏主擇立賢者副朕弔伐之意然
後可議和約不然當盡并爾國其審圖之聶哱復書烏
楞古求還降人赫伯則送阿蘇等帝以赫伯等乃交兵
之後來降與阿蘇平日以罪亡去者異復詔聶哱令此
月十三日送阿蘇至顯州各遣重臣議疆場事烏楞古

等攻顯州知東京事完顏鄂倫以兵來會即渡遼水薄
顯州郭藥師乘夜來襲鄂倫擊走之烏楞古等大敗聶
呼等于蒺藜山追至額勒津陂獲佛德家屬進攻顯州
城軍士實都先登燒其佛寺煙焰撲人守陴者不能立
諸軍乘之遂拔顯州於是乾懿豪徽成川惠等州皆降
聶呼再以書來請和烏楞古承前詔以阿蘇為言答之
駐軍顯州以聽命賜烏楞古等詔曰遼主未獲人心易
搖不可恃戰勝而失備禦烏楞古久在咸州多立功亦

多自恣和勒博雙寬等告烏楞古知遼主在中京而不
追襲咸州糧草豐足而奏數不以實攻顯州獲生口財
畜多自取遂以棟格代為咸州路都統棟格亦宗室子
也既治咸州詔使於新遷顯州降附之民擇其才可用
者授之穆昆其豪右誠心歸款者擬為明安錄其姓名
以聞饑貧之民官賑給之而使棟摩為其副統云久之
遼通祺雙遼四州之民八百餘家詣咸州都統降命分
置諸部擇善地以處之太祖召烏楞古自問之烏楞古

引伏詔降為穆昆天輔六年討賊于牛心山道病卒天
眷中贈特進天德二年配享太祖廟庭大定十五年諡
莊翼

博勒和安帝五代孫太祖伐遼使徵都古爾訥兵失期
杖之後與琿楚以四千人助羅索尼楚赫攻黃龍府齊
達勒部人薩里罕察必達爾兄弟嘗寇扎蘭路穆宗遣
博勒和討之至阿里瑪河薩里罕偽降遂略馬畜而去
復掠沃楞部二十五寨太祖復使博勒和討之博勒和

渡索嶽河招降旁近諸部因籍丁壯為軍至特通額水
察必達爾偽降復叛去執而殺之博勒和進破德里城
薩里罕遁去執其妻子薩里罕乃降齊達勒部產良馬
太祖使赫舍哩阿實罕掌其畜牧博勒和及子博索俱
為穆昆天輔五年摘取諸路明安萬餘家屯田于泰州
博勒和為都統賜耕牛五十博勒和舊居按春水自是
徙居泰州而遣寶登扎克丹阿里托歡錫勒塔等俱徙
焉太祖取燕京博勒和為右翼兵出居庸關大敗遼兵

遂取居庸蕭妃遜去都監高祿等乞降實古納追蕭妃
至古北口不及而還帝令博勒和色哩率輕騎追之蕭
妃已遠去獲其從官統軍察喇宣徽扎拉并其家族及
銀牌二印十有一及達喇叛博勒和實古納討平之其
羣官率衆降者就使領其所部太祖以空名宣頭及銀
牌給之同時有博勒和者監羅索軍平陝西後為平陽
尹西南路招討使終慶陽尹泰州博勒和守邊屢有功
天會十二年加同中書門下平章事天眷元年駐烏爾

古德呼勒地薨贈開府儀同三司諡剛毅子博碩襲明
安天眷二年為泰州副都統子威泰廣威將軍博索官
特進孫烏哲庫

烏哲庫善騎射年二十以本班祇候郎君都管從征伐
有功授脩武校尉皇統二年權領泰州軍平陝西至涇
州大破宋兵於馬西鎮超遷寧遠大將軍襲明安

按金
皇統

二年宋紹興十二年也是歲和議已成終熙宗
之世未聞有侵伐之兵本傳所載恐有繆誤

正隆末

從海陵伐宋契丹反與德昌軍節度使伊蘇瑪勒同討

契丹許以便宜從事大定初除咸平尹駐軍泰州俄改
臨潢尹攝元帥左都監與右都監賓圖美解臨潢之圍
契丹引衆東行烏哲庫追及于幹里山押軍明安契丹
呼魯蘇以所部助敵攻官軍官軍失利泰州節度使烏
哩頁來救未至臨潢與敵遇烏哩頁敗僅以數騎脫歸
敵攻泰州四面登城押軍明安烏克遜阿里布率軍士
循城力戰斫刈甚衆敵乃退泰州得完烏哲庫廼使穆
昆富埒琿徙百姓旁邑及險阨之地以俟大軍明年聚

甲士萬三千於濟州會元帥默音敗斡罕於長樂戰霧
霖河又戰陷衆皆有功改呼爾哈節度使卒烏哲庫有
才智善用兵常出敵不意能以寡敵衆所向必克號為
鶚軍云

尼楚赫宗室子太祖嗣位使普嘉努如遼取阿蘇事以
不決使實古納尼楚赫繼往還言遼主荒于政上下解
體太祖遂決意伐遼太祖與耶律鄂爾多戰于達魯噶
城遼兵二十餘萬尼楚赫與羅索率衆陷陣大敗遼軍

遂與羅索戍邊俱攻黃龍府太祖拒遼兵尼楚赫守達
魯噶城收國二年分雅達納阿拉所遷穆昆二千戶以
尼楚赫為穆昆屯寧江州從都統杲克中京尼楚赫與
實古納芬徹哈布爾率兵三千擊奚王錫默于京西錫
默棄兵遯遼主西奔天德尼楚赫以兵絕其後遼主遂
見獲後從宗翰伐宋攻太原未下宗翰還西京命尼楚
赫留兵圍之宋樊夔施詵高豐等軍來救太原分據近
部尼楚赫與實實博囉烏蘇大破之种師中出井陘據

榆次救太原尼楚赫使鄂倫擊之破其軍和尼斬師中
於殺熊嶺進攻宗制置使姚古軍于隆州谷大敗之薩
喇圖敗宗軍於回馬口郭企忠殲宗軍于五臺及宗翰
定太原與宗望會兵于汴尼楚赫等攻汴城克之師還
尼楚赫降岢嵐寧化等軍攻嵐州拔之招降火山軍與
希尹同賜鐵券宗翰趨洛陽尼楚赫取鄧州殺其將李
操等按徐夢莘三朝北盟會編云尼楚赫寇鄧州安撫使劉汲被殺節度使判官李操叛降于金本傳亦
以殺稱宜其宗翰會伐康王尼楚赫守太原天會十年
降而旋殺歟

為燕京留守十三年致仕加保大軍節度使同中書門下平章事遷中書令封蜀王天眷三年薨以正隆例贈金源郡王配享太宗廟庭大定十五年諡武襄改配享太祖廟庭子古雲

古雲本名達蘭幼警敏有志略年十六尼楚赫授以甲使從伐遼常為先鋒授世襲穆昆尼楚赫圍太原古雲在行間及拔太原下河東諸州攻汴京皆有功與都統瑪武徇地漠上至上蔡以先鋒破孔家軍睿宗攻開州

古雲先登流矢中其口睿宗親視之創未愈強起之攻大名府第功宗弼第一古雲次之攻東平古雲居最爲巴爾斯先鋒襲宗康王于揚州追宗孟后趨潭州宗太兵在常武古雲以選兵薄其城敗千餘人明日城中兵出戰古雲以五百騎敗之遂攻常武巴爾斯以諸軍爲大陣居後古雲以五百騎當前行麾兵馳宗軍宗軍亂遂大敗之其後河東郡縣多叛古雲以先鋒克絳州復攻沁州飛砲擊其右脅歸營中諸軍攻沁州三日不

能下別將固納強起古雲指揮士卒克之攝河東路都
統將三千餘騎從左監軍伊喇伊都招西北諸部平其
九部以先鋒破宋吳山軍再戰再勝復剋之于隘宋兵
遁去宗弼再攻和尚原古雲以本部破宋五萬人奪新
叉口時大雪道路皆冰宋兵勢重不可徑取宗弼用古
雲策入自旁近高山叢薄翳薈間出其不意遂取和尚
原古雲請速入大散關自以本部為殿以備伏兵宗弼
至仙人關古雲先攻之宗弼歛兵退乃班師古雲殿且

戰且却遂達秦中齊國初廢命薩里罕撫治諸郡至同
州故齊觀察使李世輔出迎陽墜馬稱折臂昇歸薩里
罕入城世輔詐使通判獻甲以壯士十人被甲上廳事
世輔自壁後突出執薩里罕古雲方索馬于外變起倉
卒城已閉不得入至東門遇哈達領騎三十餘遂與斬
門者而入而世輔擁衆自西門出古雲與哈達襲之世
輔慮救兵至乃要薩里罕與之盟使勿追留薩里罕於
道側古雲至與騎而歸除安遠大將軍攝太原尹四境

咸治兼攝河東南北兩路兵馬都總管朝廷復取河南
陝西地師至耀州宋人每旦出城張旗閱隊抵暮而還
道隘騎不得逞古雲請兵五百薄暮伏山谷間先使五
十人趨山巔視敵出舉幟為號明日城中人出閱如前
伏發宋兵爭馳入城古雲麾軍登城拔宋幟立金軍旗
幟宋軍後者望見不敢入遂降城中人亦降

按宋史高
宗紀紹興

十年金人圍耀州郭浩遣兵
救之金兵解去與本傳異

宋吳玠擁重兵據涇州涇

原以西多應之元帥薩里罕欲退守京兆俟河南河東

軍古雲曰我退守吳玠必取鳳翔京兆同華據潼關吾屬危矣不如速戰薩里罕從之吳玠兵自西原來古雲錫卜察擊其左右自旦至午吳玠左右軍少退薩里罕當其前衝擊之大敗玠軍僵尸枕藉自此蜀人喪氣不敢復出關陝遂定

按續通鑑建炎四年吳玠敗于彭原紹興三年潰于饒風關至金人復陷

河南陝西州郡則已在紹興十年時薩里罕之兵一敗于吳玠再敗于劉錡而吳玠已死矣本傳所載得無以饒風關之役誤次于再復關陝之後歟歷行臺吏部工部侍郎從宗弼巡

邊遷刑部尚書轉元帥左都監天德二年遷右監軍元

帥府罷改山西路統軍使領西北西南兩路招討兵馬
坐無功降臨海軍節度使歷平陽太原尹正隆末為中
都留守兼西北都統討契丹薩巴駐軍歸化州世宗即
位遼陽使古雲姪阿爾法持詔往歸化命古雲為左副
元帥就遣使召陝西統軍圖克坦喀齊喀宣大定改元
詔赦于西南西北招討司河東河北山東諸路州鎮調
明安軍屯京畿古雲受詔以元帥令下諸路所至皆聽
命大定元年十一月古雲以軍至中都駐兵通州見世

宗于三河詔古雲以便宜規措河南陝西山東邊事二年正月至南京遂復汝潁嵩等州縣授世襲明安入拜平章政事罷為東京留守未行改濟南尹初古雲恃功在南京頗黷貨不恤軍民在相位多自專及除留守益忿忿雖近臣往皆不見世宗怒遂改濟南尋改平陽尹致仕起為西京留守母憂起復俄復為東京歷上京十五年致仕會修太宗睿宗實錄世宗以當時舊人親見者惟古雲在詔修撰溫特赫提克德往北京就其家問

之多更定焉尋卒

瑪奇尼楚赫母弟也年十五隸軍中從破高麗兵下寧
江州平係遼女真克黃龍府皆身先力戰以功為穆昆
繼領明安破奚兵千餘從烏楞古攻下咸信瀋州及東
京諸城皆有功都統杲取中京與瑪奇與素赫和碩台
別降綽里特部屯兵高州以兵援蒙克貝勒大破敵兵
復敗恩州兵五萬人討平遼人聚中京山谷者降三千
餘人戰于高州境上伏矢射之中目遂卒瑪奇大小三

金史卷一百二十四
十餘戰所至皆捷皇統中贈銀青光祿大夫諡毅敏子
烏色

烏色年十七隸軍中從巴爾斯擊遼將瑪武敗之瑪奇
死領其職宗望伐宋至河上宋兵屯河外以二舟來伺
我師乃遣烏色率勇士以一舟往迎盡俘以還從襲康
王於江淮間還駐東平及廢齊屯兵河北招降旁近諸
營多獲產畜兵仗軍帥嘉之賞以甲馬從攻陝西為右
翼都統師還以功正授穆昆遷華州防禦使屬關中歲

饑盜賊充斥烏色募兵討平之部以無事郡人列狀丐
留不報未幾除德呼勒部族節度使德呼勒用廉入為
都水使者秩滿同知燕京留守事為西北路招討使薩
巴秩滿已數月冒其俸祿不即解去烏色發其事薩巴
反烏色遇害

巴爾斯尼楚赫弟

按宗室表尼楚赫列巴爾斯之下注云族子巴爾斯本傳又稱為尼楚赫

弟所載互異

天輔六年宗翰在北安州將會舍音于奚王嶺

遼兵奄至古北口使博勒和琿楚各領兵二百擊之琿

楚請濟師宗翰欲自往希尹羅索請以千人破之瑛楚
前行遇其遊兵遂入山谷遼人以步騎萬餘迎戰瑛楚
退據關口希尹羅索至巴爾斯烏木罕呼寶罕推鋒奮
擊大破之盡獲甲冑輜重羅索拒夏人出陵野嶺留巴
爾斯守之尼楚赫圍太原近縣已降宋軍來救者復據
太谷祁縣巴爾斯阿古喇復取之又敗宋姚古軍於隆
州谷擊走張灝兵天會四年克太原巴爾斯為管勾太
原府路兵馬事復與羅索敗宋兵于文水遂從宗翰圍

汴與尼楚赫略地襄鄧克均唐蔡陳四州及潁昌府遂
與托雲瑪武襲宋康王于揚州十五年遷元帥左都監
薩里罕經略陝西巴爾斯大破宋軍于渭州渭州德順
軍皆降陝西平遷元帥左監軍加金吾衛上將軍卒諡
敏定

欽定續通志卷四百二十四